

*Mulakhaaba, nimunyoola, olwa
mulakhaaba nomwoyo kwosi*

Shinga Onyala Okhumanya Nyasaye

Shinga Onyala Okhumanya Nyasaye

Shinga Abraham yali “Omwitsa wa Nyasaye” khukhwihana khukhwe nende oburechelefу khu Nyasaye, ewe wesi onyala okhwitsa okhumumanya Nyasaye mana omanyе tsimbasi, omulembe nende tsikhabi. Okhumumanya Nyasaye mukhwiinia khwabwene khuye mubusubili ne eshindu eshilai mubulamu bwefwe. Ne liokhuhuchisia mbu Nyasaye yejininja omwene khu balia bosi abamusaba nende emiyo chiosi.

Kakhaba nolekhana nendo injira yiyo mana winame mubwisikwa omwene khu Nyasaye, Roho wuwe alamenya mwiwe. Shibilaho eshilakhwaukhasia khubuheli bubwo ngala otsililila mmalako keke khandi nomulondakhwo muburechelefу tawe. Alaba Nyasaye wuwo mana olekhola eshindi shishie eshikhongo. Olanyalilwa okhumanya mbu yakhukula obukusi obukhongo, mana yenya musanjilane halala mwesi bulano khandi khatsotselo.

Reba Nyasaye akhuhelesie obuhulili ngala osoma ameebalo mwikuwa liomwami Nyasaye yaheelela omuyakwe abandu okhukaandika neyakabishile munjila yamangalimwa okhubura buli mulwibulo kata setani neatemanga okhukarusiawo.

Tsimbazo tsikhonyeelwe mukhatabu khano tsirusibwe mubibilia mumalako Tsisabuli, Amaandiko kabanabi nende injili.

ALIHO NYASAYE WABWENE MULALA YENYENE 1

OMWAMI Nyasaye weefwe nO-
MWAMI mulala; omuheelenje O-
MWAMI Nyasayewo nende omwo-
yokwo kwosi, neshiimoshio shiosi,
namaaniko kosi. —Okhuka. 6:4b, 5

Okhuba kano niko aka OMWAMI
yaboola, owalonga likulu, ne niye
Nyasaye, owakhola eshialo nashi-
lomba; yashiralisia, shiyashilonga
shibe eshikhaya butswa ta; yashi-
khola mbu shimenywemwo; yaboola
mbu Nisie OMWAMI; ne abulaho ou-
ndi.
—Isaya 45:18

Mbu abetsimbia tsiosi tsiomu-
shialo bamanye mbu OMWAMI niye

Nyasaye; abulaho oundi.

—1 Abaruchi 8:60

OMWAMI aboola mbu Inywe muli
abaloli banje, khandi omusumba wa-
nje owa ndalobola; mbu mumanye
nimusuubila, nimutiila khushisina
mbu nisie ye; shiyaliho Nyasaye ye-
si owakholwa, isie nishili okhubaho,
kata shialibaho inyuma wanje ta.
Isie omwene, nisie OMWAMI; ne
abulaho omuhonia undi yesi ta.

—Isaya 43:10, 11

Muhanje khwisie, ne mulahoni-
bwa, inywe tsindulo tsiosi tsieshialo;
shichila isie endi Nyasaye, nabulaho
oundi.
—Isaya 45:22

2 NYASAYE NOWESHIBELA NENDE TSIMBABASI

OMWAMI yeetsuulemwo eshisa nende obukoosia; shiatiilungwa oburima bwangu ta; wakutsa nobuheeli oburalilu. Okhuba shinga likulu olwa lieehaanya ikulu weshialo muno, nolwa obuheelibwe oburalilu buli obunji burio khubamuriitsanga.

—Tsitsabuli 103:8, 11

Ne obuheeli oburalilu bwOMWAMI bubeetsangaho okhurula khubumeli okhuula khubumeli, khubamuriitsanga, ... nende abo abeetsulilanga amalakoke okhukakhola.

—Tsitsabuli 103:17a, 18b

Mbu Obuheeli oburalilu bwOMWAMI shibuhweetsanga, kata eshisashie okhwakama ta. Bibeetsanga ebiyia

mutsuli buli mutsuli; obwisiikwabwo nobukhongo muno.

—Tsinzikhuulu 3:22, 23

Ali heena omunyasaye owinga iwe, ouleshelanga abandu obumayaanu, ... okhuba osangaalilanga obuheeli oburalilu.

—Mika 7:18

Mukhupile OMWAMI orio, okhuba niye omulayi, okhuba obuheelibwe oburalilu nobwobumeli.

—1 Aketsindaalo 16:34

Okhuba ndamanya mbu oli Nyasaye wobukoosia, noshilaana netsimbabasi; shiatiilungwa oburima bwangu ta; wakutsa nobuheeli oburalilu.

—Yona 4:2b

NYASAYE YAKHUHEELA

3

OMWAMI yamuloleshela okhurula ehale, ari Ndakuheela obuheeli oburahwaho ta; niko akachila ndatsitsachisia obuheeli bwanje oburalilu khwiwe.

—Yeremia 31:3

Okhuba emanyile tsiyemi etsia emukasiliye, nilwo olwa OMWAMI aboola; mbu tsiyemi tsiomulembe, netsiobubii ta; okhumuheelesia eshiokhunaayila inziayo.

—Yeremia 29:11

OMWAMI aboola mbu Ndamuheelile.

—Malaki 1:2a

Shinga samwana abaana olwa atii-lilwa abaanabe eshisia, nolwa OMWANI atiililwa abamuriitsanga eshisia ario.

—Tsitsabuli 103:13

Lola, kali akomulembe kwanje akachila ndanyoola obululu muno. Ne khulwa obuheeli khuroho yanje wachihonia mubuko bwobutibi; shichila wasukuune ebionoono bianje emukongowo.

—Isaya 38:17

Neefu khumanyile khandi khusubiliile obuheeli obwa Nyasaye ali ninabwo khwifwe. Ifwe khuheelinga, shichila ye yaranjilila okhukhuheela ifwe.

—1 Yohana 4:16a, 19

OMWAMI Nyasayewo ali hakariwo, omululu, oulahula; alakhusangaalila nokhwikhoya; alakhukhola omuyia mubuheelibwe; alakhwikhoyela niyeemba tsinyimbo.

—Zefania 3:17

ESHINDU ESHIKHONGO MUBULAMU BWEFWE NOKHUMUMANYA NYASAYE

Nebutswa abandu abamanya Nyasaye wabwe balatinya, nibakhola.

—Danieli 11:32b

Nebutswa owiyitsiala yeeyitsialile kano, mbu ahulilanga eshisina niyamanya isie, shinga olwa endi OMWAMI oukholanga akeshisa, nakobukhalachi bwahabwene, nakobulunjishi mushialo; okhuba mu ako nimwo omwa esangaalilanga; nilwo olwa OMWAMI aboola. —Yeremia 9:24

Nabeikhabi abalindanga oburumbusibwe, abamukhaabanga nomwoyo kwosi. —Tsitsabuli 119:2

Mbu ndareele imbeliwo obulamu nokhufwa, ikhabi neshilaka munwa;

kho lobola obulamu, obe mwoyo, iwe nolwibulolwo, noheela OMWAMI Nyasayewo nohulila omwoyokwe, nomuhandakhwo; okhuba niko akali khwiwe obulamu nobuyindifu.

—Okhuka. 30:19b, 20a

Shichila eshia enzenya nobuheeli oburalilu, emisango ta; obumanyi bwaNyasaye, okhushila emisango emisambe. —Hosea 6:6

Shinga eshitsusu olwa shiheesela nishiikomba emichela chiamatsi, nolwa omwoyo kwanje kuheeselanga nikukhwikomba iwe, e Nyasaye.

—Tsitsabuli 42:1

OKHUMENYA NOLALI NENDE NYASAYE TAWE NOBWONONI

5

Mbu OMWAMI ali nineenywe olwa inywe muli nanaye; nimuba nimukhaaba, alamunyooleshela; ne nimuba nimumulekha, yesi alamulekha inywe. –2 Aketsindaalo 15:2b

Omwoyo nomukaatii okhushila bisi; kwabiiyila elala; ounyala okhukumanya niwina? –Yeremia 17:9

Yiliho injila eyilolekha khumundu mbu neinunji, ne obumaliilishi bwayo netsinjila tsiokhufwa.

–Tsinjelo 16:25

Omwami yamanya okhuhonia abo abariitsanga Nyasaye mukhuteemwa, nokhubabiikha ababula obulunjishi

mubukuumwi okhuula khunduukho yeshiina. –2 Petero 2:9

Habula nimuba nimurahulila omwoyo kwOMWAMI ta, nimukhaya lilako liOMWANI, kho mana omukhono kwOMWAMI kulamuyinga.

–1 Samweli 12:15a

Omundu naba naramenya mwisie ta, asukunwa shinga lisaka, naniala; abandu nibakakhung'aasia, nibakasukuna mumulilo, nikasambwa.

–Yohana 15:6

Nabo abakhayi balatibilibwa elala, ne olwibulo lwababii lulaakamibwa.

–Tsitsabuli 37:38

OKHUMANYA NYASAYE OKHOYIRE OKHUMUKHABA

Mulakhaaba, nimunyoola, olwa mulakhaaba nomwoyo kwosi.

—Yeremia 29:13

Noba nobukhaaba shinga ifeetsa, noburunilisia shinga ebiolukoosi ebiayabilwa hasi; kho nilwo olwa olamanyilisia okhuria OMWAMI, nonyoola okhumanya Nyasaye.

—Tsinjelo 2:4, 5

Sabe, mulaheebwa; khaabe, mulyoola; khong'onde, muleekulilwa.

—Matsayo 7:7

Ne harali obusuubili shilinyalikha okhumuchamisia ta; shichila owitsila Nyasaye akhoyle okhusuubila mbu

aliho, khandi mbu niye Khakaba oubakabilanga abamukhaaba.

—Abaheburania 11:6

Abaheelanga isie, nasi embaheelinga; nabo abakhaabanga neshinani balanyoola.

—Tsinjelo 8:17

OMWAMI nomulayi khubeenabo abamulindiililanga, khumwoyo okwo okumukhaaba.

—Tsinzikhuulu 3:25

Nokhurula mumulala yakhola buli lihanga liabandu mbu bamukhaabe Nyasaye, nikaba mbu fwana bakhabasiahabasia nibamunyoola, kata olwa arali ehale nende buli mulala khwifwe ta.

—Ebikhole 17:26a, 27

Okhuba OMWAMI Nyasaye weenywe nowobukoosia netsimbabasi; shialashiukhasia tsimonitsie okh murulakhwo ta, nimuba nimumukalushila. —2 Aketsindaalo 30:9b

Shichila iwe, Omwami, oli owe shisa; ochamanga okhukhuleshela; obuheelibwo oburalilu nibushilaanila khubeenabo bosi abakhuhaabila.

—Tsitsabuli 86:5

Sitenje ahambi khuNyasaye, naye alamusitilanga ahambi.

—Yakobo 4:8a

OMWAMI ali ahambi khubosi abamuhaabila, khubosi abamuhaabila mubwatoto. —Tsitsabuli 145:18

Mwitse khwisie, inywe mwesi aba choonyanga nimusitohelwa, nasi ndalamuhuluusia. Mwinjile mwikoko kolo lianje, nimweka khwisie; shichila endi omuholo omwongoli mu mwoyo; kho mulanyoola obuhuluushi obwomumioyo chieenywe.

—Matsayo 11:28, 29

Noyo owitsa khwisie shindalamusukuna elwanyi nahatuutu ta.

—Yohana 6:37b

Bayaye, inywe mwesi aba obuloho bulia, mwitse amatsi; kata ababula amapeesa, mwitse, mukule, nimulia; toto, mwitse, mukule idivai nende amabeele harali amapeesa naharali obukusi tawe. —Isaya 55:1

NYASAYE NOMUTAKATIFU

Abulaho ouli omutakatifu shinga OMWAMI, okhuba abulaho oundi nörali iwe ta. —1 Samweli 2:2a

Mbu shilinyalikha khuNyasaye mbu akholenje tsimbii, kata khu Oyo Ounyala Biosi, mbu akhole aksbumayaanu ta. —Ayubu 34:10b

Omutakatifu, omutakatifu, omutakatifu, niye OMWAMI omwene mache; omwitsulo omulamba kweshialo shiosi nikwo oluyalilwe.

—Isaya 6:3b

Okhuba kano niko aka Omwenoyo ouli hekulu nachinguukha, oumenyanga mubumeli, owa eliiralie niye Omutakatifu, asunga; mbu Isie eme-

nyanga habundu aheechingu, hatakatifu. —Isaya 57:15a

E Omwami, niwina ouraria kata okhuliheelesia eliirario oluyali ta? Shichila niwe wenyene ouli omutakatifu. —Obufwimbuli 15:4a

Mufuminjie OMWAMI Nyasaye weefwe,...okhuba OMWAMI Nyasaye weefwe niye Omutakatifu.

—Tsitsabuli 99:9

Omutakatifu, Omutakatifu, Omutakatifu, niye Omwami Nyasaye, oyo Ounyala-biosi, owalinjiho, noubee-tsangaho, nouli okhwitsa.

—Obufwimbuli 4:8b

ABANDU BA NYASAYE KENYEKHA BAMENYE OBULAMU OBUTAKATIFU

9

Osuubilanga shinga Nyasaye olwa ali mulala. Ako namalayi. Kata amadimoni nako kasuubilanga kario, nikatechela. Ne, omusilu iwe, shiolola mbu obusuubili obwahukhaane nebihole nobukumba?

—Yakobo 2:19, 20

Injila yomutamaanu neshisinyo khu-MWAMI; ne aheelanga oyo oulonda-nга obulunjishi. —Tsinjelo 15:9

Mwikhuwa lino nimwo omwa abaan-a baNyasaye bamanyishilanga, khandi nende abaana baSetani; mbu ourakholanga akobulunjishi shiali owa-Nyasaye tawe, kata oyo ouraheela-

nga omwana wabwe ta yesi ario.

—1 Yohana 3:10

Khaabenje okhumenya nomulembe nabandu bosi; khandi nende obutakatifu, okhuba omundu oubula ninabwo shialamulolakhwo Omwami ta.

—Abaheburania 12:14

Ne shinga ye owamulanga olwa ali omutakatifu, neenywe mwesi murio mube abatakatifu munjenda yeenywe yosi.

—1 Petero 1:15

Kata niwina ounyala okhusinjila habunduwe ahatakatifu? Ni oyo owa-makhono amasiyiye, nende omwoyo omweleleshe. —Tsitsabuli 24:3b, 4a

Kho eshia akhwenyelanga nishiina, habula okhukhola akali habwene, nokhuheela tsimbabasi, nokhuchenda halala nende Nyasayewo nobuholo nobwongoli? —Mika 6:8b

Nasunga mbu Omuheelenje Omwami Nyasayewo nende omwoyokwo kwosi neshiimoshio shiosi namaaniko kosi, nende obuyililisibwo bwosi; nende owashio shinga olwa wiheela omwene. —Luka 10:27b

Omanyile amalako, mbu Oreera ta, Oraheya ta, Oreeba ta, Orachiikha ta, Orakaatia ta, Heelesia so nende mawo oluyali. —Mariko 10:19

Ne murakwisibwa khukhufwana khweshialo shino ta; ne mbu muka-

lukhasibwe khulwa emiyo emiyia echia muheebwa. —Abaroma 12:2a

Shichila isie OMWAMI Nyasaye weenywe endi omutakatifu.

—Abalawi 19:2b

Eshitabu shino shiamalako shileshe okhuhwaho okhurula mumunwakwo; habula mbu okakanilenjekhwo eshitteere neshilo, mbu witsulilenje okhukhola kosi akahandiikwamwo shinga olwa kali; okhuba nolwa injilayo yilarabaala, nawe nokaasa.

—Yoswa 1:8

Nabasunjila ari Musuubilile Nyasaye. —Mariko 11:22b

Ne mukhalabanilenje OMWAMI Nyasaye weenywe. —Okhurula 23:25a

Biliho ebindu bisasaba ebia OMWAMI akiyanga, yee, bili musaafu ebili eshisinyo khuye: mbu obuhenji bweisunga, olulimi olubeeyi, namakhono akaraatsinjia amabanga kabalula eshiuku; omwoyo okurechekhanga amayililisio amamayaanu, nebiljenje ebianguhanga okhwilushila amabii; omuloli omubeeyi ouboolanga akobubeeyi, nende oyo oumiitsanga inzoka mubeebulani.

—Tsinjelo 6:16-19

Habula abo abarri, nabo ababula obusuubili, nabeshisinyo, nabeeri, na-baheyi, nabafila, nabeenamili bebi-fwanani, nende ababeeyi bosi, omukabo kwabwe kulanyooleshela mu-

nyanza yomulilo namalsie keshiberiti eyiyiitsanga, nikhwo okhufwa khwakhabili. —Obufwimbuli 21:8

Shichila isie OMWAMI eheelanga obuyaasii bwatoto; engiyanga obwibi halala nende obumayaanu.

—Isaya 61:8a

Khulwako rechelesinjie aketsiroho tsieenywe, omundu yesi aleshenje okhubula obwisiikwa khumukhasiwe omubula. —Malaki 2:15b

Nabasunjila ari Inywe ninywe abeeha obulunjishi mumoni tsiabandu; ne Nyasaye wamanya emiyo chieenywe; shichila eshiheebwa oluyali mubandu, neshisinyo mumoni tsiaNyasaye. —Luka 16:15

ABANDU BALEMELUNGWA MULIENYA LIA NYASAYE

Ne emumanyile, shinga olwa mubula nobuheeli bwaNyasaye mwinywe.

—Yohana 5:42

Shichila ouba nakholanga akamalako kosi, ne niyeesichirala mwikhuwa elala, ali neshiina shiakosi.

—Yakobo 2:10

Mana ndasunga mbu Woowe! kho isie embweele! shichila endi omundu womunwa kweshifwabwi, khandi emenyanga hakari wabandu beminwa chieshifwabwi.

—Isaya 6:5a

Mbu ourakholanga akobulunjishi shiali owaNyasaye tawe, kata oyo ouraheelanga omwana wabwe ta yesi ario.

—1 Yohana 3:10b

Kho oumanyile okhukhola amalayi ne narakakhola ta, khuye nobnooni.

—Yakobo 4:17

Shinga olwa kahandiikwa, mbu Abulaho omulunjishi, kata mulala ta.

—Abaroma 3:10

Okhuba bosi bayoonoona, nibaleema okhuula khuluyali lwaNyasaye.

—Abaroma 3:23

Ifwe fwesi khutiiimatimanga shinga amakondi, khwakotoole buli mundu khunjila yiye omwene.

—Isaya 53:6a

Bari Niwina ounyala okhusinjila imbeli wOMWAMI, Nyasaye uno omutakatifu?... —1 Samweli 6:20b

EMILIMO CHIEFWA ABENE SHECHINYALA OKHUCHAMISIA NYASAYE TAWE

13

Okhuba erumbula akobuloli shinga olwa bali abalumilifu khulwa Nyasaye; habula obulumilifu bwabwe bubula obumanyi. Shichila olwa bakorwa obulunjishi bwaNyasaye, nibateema okhusinjisja obwabwe abeene, habwenaho shibafuchiilila okhurukwa nobulunjishi bwaNyasaye ta. —Abaroma 10:2, 3

Okhuba fwesi khwikhholile shinga abobukaali, obulunjishi bweefwe bwosi nibuli shinga ingubo eyonooniibwe. —Isaya 64:6a

Olwa emuboolela omulunjishi mbu okhuba mwoyo alaba mwoyo; naba natsaalikha khulwa obulunjishibwe,

nakhola obumayaanu, kho obulu-njishibwe bwosi bwosi shibuleetsuli-lwakhwo ta; habula mubumayaanubwe obwa akholile, nimwo omwa alafwila.

—Ezekieli 33:13

Ne abo abali mumela yomibili shibanyala okhuchamisia Nyasaye ta. Okhuba imbeliwe omundu yesi shialabasilibwakhwo obulunjishi khulwa ebikhole biamalako ta.

—Abaroma 8:8; 3:20a

Ne lino lilolekha ebulafu, mbu abulaho oubasilibwa obulunjishi imbeli waNyasaye khulwa amalako ta; shichila mbu Omulunjishi alabeetsanga mwoyo khulwa obusuubili.

—Abagalatia 3:11

EBIONONO BIKHWAUKHASINJIA OKHURULA KHU NYASAYE

Niko akachila, shinga obwonooni olwa bweenjila mushialo khulwa o-mundu mulala, nende okhufwa khulwa obwonooni; nindio okhufwa khwatswanila abandu bosi, okhuba bosi boonoona. —Abaroma 5:12

Ne obumayaanu bweenywe bwamukabukhasiye nende Nyasaye weenywe, khandi ebionoono bieenywe bibisile obwenibwe, muleshe okhulola, kata shiyeenya okhuhulilata. —Isaya 59:2

Nasinjila hekulu wabandu, nabasunjila mbu Kano niko aka Nyasaye aboola; mbu Mbushiina nimukhanya-nга amalako kOMWAMI, oburanyala

okhukaasa ta? Okhuba mumuleshi-le OMWAMI, naye yesi amuleshile inywe. —2 Aketsindaalo 24:20b

Okhuba inumba yiingana obwo-nooni bwobufumu, khandi obwichin-jimisi bwingana obumayaanu ne-nde emiterafi. Okhuba waloba likhu-wa liOMWAMI, naye yesi yakhuloba iwe, oleshe okhuba omuruchi.

—1 Samweli 15:23a

Nasi okhubisa ndalabisa tsimoni tsianje khunyanga eyo khulwa obubii bwosi obwa bababa nibakholile.

—Okhuka. 31:18a

Omwoyo okwonoonanga, okwene kulafwa. —Ezekiel 18:20a

OBURUMA BWA NYASAYE BWOSI BULI KHU BIONONO

15

Nyasaye niye omuyaasii omulunjishi; toto, niye Nyasaye oululanga buli nyanga. –Tsitsabuli 7:11

Akeenako niko akachilanga oburima bwaNyasaye nibwitsa khubobukhayi. –Abakolosai 3:6

Okhuba okhurula mwikulu oburima bwaNyasaye bufwimbulwa nibufukula amakhuwa kosi akoburaria Nyasaye ta, nende obumayaanu bwabandu, abeekalilanga obwatoto mbumayaanu bwabwe. –Abaroma 1:18

Bali abeetsulamwo obushiamu bwo-si, nobumayaanu, nelikhalkhali, nobukhobi; nibeetsulamwo imbalikha,

obwiri, obusoolo, obubatsa, obuchesichesi; nabamoonyi, abachiishi, abakiyanga Nyasaye, abamahababa, abeechinjimisii, abeisunga, abakulkunzi bamabii, abarahulilanga abebuli babwe ta, ababula obuchesi, abasasii betsindakano, ababula obuheeli bwoburulanda kata tsimbabasi ta. Kata olwa bamanya obukhalachi bwaNyasaye mbu abakholanga amakhuwa akafwana kario bakwanile okhufwa, bakakholanga bukhola; ne shikali ako konyene ta, habula ba-fuchilisaninjia nende abakakhola-nга. –Abaroma 1:29-32

Ne shinga olwa kalakwa mbu abandu bafwe lulala, mana olunyuma-khwo obuyaasibwi nibubaho. Neli-khuwa liokhuriisia muno, okhukwa mumukhono kwaNyasaye oubietsanga mwoyo.

—Abaheburania 9:27; 10:31

Nindola abafwa, abakhongo naba-tuutu bosi, nibasinjiile imbeli we-shifumbi shiobuyaasii, ebitabu nabio nibibambulwa. Khandi eshitabu shi-ndi nishibambulwa; nashio nishio eshiobulamu. Abafwa nabo nibaya-asilibwa amakuwa akali nikandiikwa mubitabu ebio, shinga ebikhole bia-bwe olwa bialinji. Kata omundu ye-si ouranyoolekha niyahandiikwa mu-

shitabu shiobulamu ta, yesi yasuku-nwa munyanza yomulilo.

—Obufwimbuli 20:12, 15

Nasi emusunjila mbu buli likhuwa likhaya liosi elia abandu balaboola-nга, balikalusia khunduukho yeshii-na.

—Matsayo 12:36

Okhuba Nyasaye alayaasia buli shikhole, halala nende buli likhuwa liamabiswi, kata nilili lilayi kata ni-lili libii.

—Omwilwatsi 12:14

Nolwa kaliba kario khushihesi shi-eshise shino; abamalaika balirula, nibeela ababii okhurula mubalunji-shi, nibabasukuna mumulilo oku-fwana shinga okwelirumbi.

—Matsayo 13:49, 50a

Tsimoni tsiomwami tsibeetsanga-ho buli habundu hosi, nitsihenganga amabii nende amalayi.

—Tsinjelo 15:3

E OMWAMI, wayarunilisia, wayamanya. Omanyanga okhwikhala khwanje, nokhubuukha; omanyanga amapaaro kanje, kata noli ehale. Oseleetsa injenda yanje, nokhukona khwanje, kata shiokorwa injila yanje ta. Okhuba libulaho likhuwa liosi khulumi Iwanje habula elia iwe, OMWAMI, lola, olimanyiile elala.

—Tsitsabuli 139:1-4

Okhuba OMWAMI shialolanga shinga abandu olwa balola, tawe; okhuba abandu bahenganga okhulolekha

khwelwanyi, ne OMWAMI ahenga-nga omwoyo. —1 Samweli 16:7b

Okhuba tsimoni tsianje tsili khunjila tsiabwe tsiosi; shibabisikha munoni tsianje, kata obumayaanu bwa-bwe shibufwimbwa mumoni tsianje ta.

—Yeremia 16:17

Kata shibulaho eshilonje shiosi eshibiswa; nebutswa biosi bili eshihe-chenye nibibakalwa ebulafu imbeli wetsimoni tsia oyo ouli omusinjilili wamakhuwa keefwe.

—Abaheburania 4:13

Bubulaho obumali, kata eshiilima ti ewa abakholi bobumayaanu bee-bisa ta.

—Ayubu 34:22

18 OKHURULA KHU BIONONO KHWENYESHELA

Omwami NYASAYE areeba mbu Nasi, okhufwa khwomubii khunjamisinjia noho? Ne shindakhachama mbu ashiukhane okhurula khunjilaye abe mwoyo? —Ezekieli 18:23

Emukaania mbu tawe; ne nimureekalukhasia ta, mwesi mulatiba muri nanwa. —Luka 13:3

Oufuunikhanga obwonoonibwe shialakaasa ta; ne oubwiyamanga nabulekha alabeelwa tsimbabasi.
—Tsinjelo 28:13

OMWAMI aboola mbu Ne kata bu-laano mungalushile nemiyo chieenywe chiosi, nokuhonga inzala, nokhulila, nokhwikuula. —Yoeli 2:12

Otsie namakuwa, nokalushila OMWAMI Nyasayewo; omusunjile mbu Rusiaho obumayaanu bwosi,nofuchiilila akali amalayi.

—Hosea 14:2a

Yeembanga imbeli wabandu, ari Isie ndayoonoona, nishiamia akali amalunji, ne shindakalusilibwa eshindu ta. Yanunula omwoyo kwanje kuleshe okhwikha muBuko; obulamu bwanje nabwo bulalola obulafu.

—Ayubu 33:27, 28

Mwikalukhasie, nimushiukhana okhurula khubukhayi bweenywe bwosi, mbu obumayaanu buleshe okhumiwichirasia. —Ezekieli 18:30b

Mumukhaabe OMWAMI olwa ashinyoolekha; mumuhaabile olwa ashili ahambi; omumayaanu aleshe injilaye, noyo oubula obulunjishi aleshe amapaaroke; amukalushile OMWAMI, naye alamubeela tsimbabasi; khandi khuNyasaye weefwe, okhuba alamuleshela elala. —Isaya 55:6, 7

OMWAMI abeetsanga ahambi khubbeenabo aba emiyo chiabwe chitubushe, nabahonia aba tsiroho tsabwe tsiinyushile. —Tsitsabuli 34:18

Ndakhwiyamila obwonooni bwanje, kata obumayaanu bwanje shindabubisa ta; ndasunga mbu Ndalamwiyamila OMWAMI obukhayi bwanje; nawe niundeshela obumayaanu

bwobwonooni bwanje.

—Tsitsabuli 32:5

Ne nikhuba nikhwiyama ebionono bieefwe, ye nomwisiikwa khandi omulunjishi okhukhuleshela ebionono bieefwe, nokhukhusiyya khububii bwosi. —1 Yohana 1:9

Kho mwikalukhasie, nimushiukhana, mbu ebionono bieenywe bisihiisibwe.... —Ebikhole 3:19a

Embulile aka Nyasaye OMWAMI yeetsa okhuboola; okhuba alasunjila abandube nende abaheelibe akomulembe; nebutswa baleshe okhukalushila obusilu. —Tsitsabuli 85:8

Okhwikalukhasia ne okhurula mubionono mana khandi wikanile khu Nyasaye.

(Cherasiya nende ipeji ya 14.)

Okhuba obulamu bwomubili buli mumalasile; nasi ndakamuheelesia khushimalilo okhumutisa; okhuba amalasile niko akaholanga eshitiso, khulwa obulamu. —Abalawi 17:11

Kata ndakhanya la okhusunga mbu mumakuwa kamalako ebindu biosi bitisungwa amalasile; naharali okhuraatsa amalasile, obulesheli bubula.

—Abaheburania 9:22

Likondi lieenywe libe elibula obulema, khandi libe elieshimwamwane. Ne amalasile ako kalamubeela eshilolelo shieenywe khunzu etsia mulabamwo; ne olwa endola amala-

sile ndalamubirakhwo, ne shililabaho linyasio khwinywe okhumumulla ta. —Okhurula 12:5a, 13a

Naboola mbu Lola, omulilo ngwo-kuno, khandi nende tsikhwi nzietsino; ne likondi liomusango omusambe lili heena? Aburahamu nasunga ari Nyasaye omwene aleenyoolela likondi liomusango omusambe, omwana wanje. Mana Aburahamu na-chinguula tsimoni nahenga, ne lola, munyumawe limiiku ndielo, nilitii-lilwe tsinzika mushitsakha; kho Aburahamu natsia nabukula limiiku, nalimala libe omusango omusambe mushilenje shiomwanawe.

—Genesis 22:7b, 8a, 13

Mukamba yalola Yesu niyeetsanga ewa yali, nasunga mbu Lole, Likondi liaNyasaye ngwoyo, ouyininjia-bo obwonooni bweshialo.

—Yohana 1:29

Yeenjilila elala habundu yaho ahatakatifu, lulala lwenolwo Iwonyene; ne shiyayeenjila nali nende amalasile ketsimbusi nebimoosi ta, habula nende amabanga keke, namalile okhunyoola obununulwi bwobumeli. Kho amabanga kaKristo, oweehaanila Nyasaye aharali eshikha shiosi ta, khulwa Rohowe wobumeli, shikalashila muno okhutisa emiyo yo chieefwe no-khurusiamwo ebikhole ebifu, mbu khukhalabanilenje Nyasaye oubee-

tsangaho mwoyo? Nebutswa luno lulala Iwonyene, khubumaliilishi bwe-shise shino walolosiibwe, okhuyiniahoh obwonooni khulwa okhwimala omwene abe omusango. Nolwa Kristo yesi yahaanwa lulala ario, okhwituukha ebionoono biabanji.

—Abaheburania 9:12, 14, 26b, 28a

Mumanyile bulayi mbu ebia mwannulilwa, okhurula mubwiyili bweenywe obukhaya obwa mwakaamilwa nabakuuka,...nebutswa kali amatsayi akolukoosi muno, shinga ake-likondi elibula eshikha kata eshi-roonyelesi shiosi, niko akaKristo.

—1 Petero 1:18a, 19

OKHUNUNULWA KHWARERWA NENDE NYASAYE YENYENE

Ne babasilibwakhwo obulunjishi butswa khulwa obukoosiabwe, kujnila yobununulwi obunyooolekha mu-Kristo Yesu. Nyasaye yamuruma omwenoyo mbu abe eshitiso khulwa amabangake, munjila yobusuubili.

—Abaroma 3:24, 25a

Ne Nyasaye yalolosia obuheeli bwé khwifwe mwikuwa lino, mbu olwa khwali nikhushili aboonooni, Kristo yakhufwila. —Abaroma 5:8

Okhuba mwahonibwa khulwa obukoosia, munjila yobusuubili; shimuli inywe abakhola ta; neshihaanwa shia-Nyasaye; shikhuli okhwebikhole ta,

mbu omundu yesi aleshe okhwiyt-tsiala. —Abaefeso 2:8, 9

Abanabii bosi barumbula akobuloli khuye, mbu muliiralie buli mundu oumusuubilila alanyoola obuleshelwi bwebionoono. —Ebikhole 10:43

Ne obuhonia shibuli muwundi yesi ta; kata libulaho eliira lindi hasi we likulu elia abandu baheebwa, elia khukhoyle okuhonilibwamwo.

—Ebikhole 4:12

Ne mumwenoyo khuli nobununu-lwi khulwa amabangake, mbwobuno mbu obuleshelwi bwebionoono bieefwe, obuyinda bwobukoosiabwe shinga olwa buli. —Abaefeso 1:7

Nyasaye yaruma malaika Gaburieli khwitaala lindi lieGalilaya elilangwa mbu Nazareti, ewomukhaana omushisila owali nakhweebungwa nende omusaatsa oweliiralie Yusufu, owo-mushilibwa shiaDaudi; neliira liomukhaana oyo niMariamu.... Malai-ka oyo namusunjila ari Oraria tawe, Mariamu; okhuba Nyasaye akhukoo-siye muno. Ne lola olabelekha inda, niwibula omwana omusiani, nomukulikha eliira mbu YESU. Aliba omukhongo khandi alilangwa mbu Omwana waOyo Ouli Ikulu Muno; ... akata oburuchibwe shibuliba ne-shihesi ta. Mariamu namureeba ma-laika ari Kano kaleekhola karie, olwa endashiamanya omusaatsa ta?

Naye malaika nakalusia, namusunji-la mbu Roho Omutakatifu alakhwi-tsila, obunyali bwa Oyo Ouli Ikulu Muno nabwo bulakhufwimba; niko akachila eshieneshio eshiitsa okhwi-bulwa shilalangwa mbu eshitakatifu mbu Omwana waNyasaye.... Shichi-la khuNyasaye libulaho likhuwa li-osi eliranyalikha ta. Mariamu na-boola mbu Lola, endi omutitiikhani wOmwami; kalambeela shinga olwa osunjile.

—Luka 1:26b-38a

Abandu balia bonyene abetsa mushialo ne balaburire munjila yobwambani bwo musatsa nende omukhasi ne Adamu nende Kristo. Adamu yarera ebidnono mushialo halali Yesu naye narera obuhuli khubiono-no.

MuKristo Yesu... yalinji khumela yaNaysaye; ne shiyapaarakhwo mbu okuhelana nende Nyasaye nelikhuwa lilayi elia akhoyle okuhandakhwo ta.

—Abafilipi 2:5b, 6

Isie nende Papa khuli mulala. Kho munyalal murie okhusunga khumweno yo owa Papa yaahula namuruma mushialo, muri Okhola obunyechi, shichila esunjile mbu Endi Omwana waNyasaye? —Yohana 10:30, 36

Yesu Kristo ne likhuwa limenyangao manakhandi amenyangao buli Iwosi maana khulwamangalimwa Nyasaye yachila nabalekhwa munda ya Maria. Mukhukhula khukhwe yamanyikha

shinga omusiani womundu naye murokho yamanyikha shinga omusiani wa Nyasaye. Amahandiko kokekho-nyeranga likhuwa "Omusiani" okhwersia obukhambani bulikho akari wa Nyasaye nende likhuwa lilie ni Yesu Kristo.

Ne niko akachila ye, olwa yeetsa mushibala, yasunga ari... ne wayangasilia omubili.

—Abaheburania 10:5

Ne halubeka lweimela yaroho yobutakatifu, yarumbulwa ebulafu nobunyali shinga olwa ali Omwana waNyasaye, khulwa okhulamusibwa khwabafu; niye Yesu Kristo Omwami weefwe.

—Abaroma 1:4

Okhuba bosi bafuchilisania mbu libiso lieidini yeefwe nelikhongo; mbu Yamanyishila mumubili.

—1 Timotseo 3:16a

Okhuba muye nimwo omwa obulamba bwosi bwObunyasaye bumenyanga eshinamubili.

—Abakolosai 2:9

Khulweefwe omwana yeebuulwe, khuheelwe omwana omusiani; oburuchi nabwo bulabeetsanga khwibekalie, naye alakulikhwa eliira, mbu Omwibaali Wamakana, Nyasaye Wobunyali, Seefwe Wobumeli, Omukhulundu Womulembe. —Isaya 9:6

Yesu nababooolela ari Toto mwene, emusunjila mbu Olwa Aburahamu

yali nashili okhubaho, ISIE NISIE.

—Yohana 8:58

Yalinji nali mushialo, eshialo nashio shiakholekha khululwe, nebutswa abeshialo shibamumianya ta.

—Yohana 1:10

Okhuba aliho Nyasaye mulala, khandi wanjila mulala hakari wa-Nyasaye nende abandu, niye Kristo Yesu, naye yesi nomundu; oweehaanana omwene abe eshinunulo khulwa bosi. —1 Timotseo 2:5, 6a

Ne muye khunyoolela obununulwi bweefwe, nibwo obuleshelwi bwebionoono bieefwe. Ne niye likondo liene liaNyasaye ouralolekha ta.

—Abakolosai 1:14, 15a

26 IBIBILIA (LIANDIKO) NI LIKHUWA LIA NYASAYE

Okhuba bubulaho obulakusi bwosi obweetsa khulwa okhwenya khwomundu ta; habula abandu baboola aka-rula khuNyasaye, shinga olwa bee-mililwa nende Roho Omukatifu.

—2 Petero 1:21

Shinga olwa yaboola muminwa chianababiibe abatakatifu abalinjiho okhurula khumusuule, okhubamanya abandube akobuhonia mubuleshelwi bwebionoono biabwe.

—Luka 1:70, 77

Roho wOMWAMI yasunjila mwisie, likhuwalie niliba khululimi lwanje.

—2 Samweli 23:2

Buli lihandiiko elia Nyasaye ya-heelamwo omuuyakwe likaasilanga

obwechesii, nobukondesheli, nobukololosii, nobwibaali obuchooma khubulunjishi. —2 Timotseo 3:16

Okhuba ako kosi akahandiikwa khale kahandiikwa mbu ifwe khwechelemwo; mbu khulwa obwisimili-sii khandi khulwa obuhabini bwa-mahandiiko, khube nobunaayi.

—Abaroma 15:4

Nabasunjila mbu Mushiamile, nimuramanya amahandiiko, kata obunyali bwaNyasaye shinga olwa bulita.

—Matsayo 22:29b

Shichila wakaliyiye likhuwalio ne-liirario okhushila kosi.

—Tsitsabuli 138:2b

Yali niyeefwalile ingubo eyamii-tswakhwo amabanga; ne eliiralie ni-ye Likhuwa liaNyasaye.

—Obufwimbuli 19:13

Khukhuchaaka Likhuwa yalinjiho, naye likhuwa yalinji naliho halala nende Nyasaye, naye Likhuwa yalinji Nyasaye. Likhuwa oyo niyee-khola omubili, namenya mwifwe.

—Yohana 1:1, 14a

Yesu afwimbulanga Nyasaye

Abulaho owalolakhwo Nyasaye inyanga yosi ta; Omwana omutee-lwa, oubietsangaho khushilifu shia-Samwana, nenye oumufwimbuule.

—Yohana 1:18

Okhuba Nyasaye, owasunga mbu obulafu bwashe okhurula mushiili-ma, omwene yaashile mumioyo chieefwe, okhukhuleerela obulafu bwo-bumanyi bwoluyali lwaNyasaye mu-moni mwaYesu Kristo.

—2 Abakorinzo 4:6

Nyasaye abolelanga mu Yesu

Mundaalo tsikhale Nyasaye yasunjila abakuuka muminwa chiababii, mubitonye bindi nebindi, khandi munjila tsindi netsindi. Ne mubumalilishi bweshise shino wakhusunjila muMwanawe, owa yakhola omwene bindu biosi; khandi mumwenoyo nimwo omwa yalonjelamwo eshibala shiosi.

—Abaheburania 1:1, 2

ELIANDIKWA NENDE LIKUWA LIMENYANGA OKHUCHELASIBWA

Ibibilia neshiokhulia shio mwoyo

Ne yakalusia namusunjila mbu Li-ahandiikwa mbu Omundu shialabee-tsanga mwoyo khulwa omukaate kwonyene ta, habula khulwa buli likuwa elirula mumunwa kwaNyasya-ye.

—Matsayo 4:4b

Ibibilia nobulafu obweinjira yefwe

Likhuwalio neitaha khubilenje biane, khandi nobulafu khunjila yanje.

—Tsitsabuli 119:105

Okhurimbululwa khwamakhuwako khuleeranga obulafu.

—Tsitsabuli 119:130a

Yesu nomukate okhurula mwikulu

Isie nisie ebiliibwa ebilamu ebieekha nibirula mwikulu; omundu yesi naba nalia khubiliibwa bino, alamenya obushia nobushia.

—Yohana 6:51a

Yesu nobulafu bweshialo

Muye nimwo omwa obulamu bwali; obulamu nabwo bwalinji obulafu bwabandu. Mana Yesu nabasunjila khandi, ari Isie nisie obulafu bweshialo; ounondakhwo shialachenda mushiilima ta, ne alaba nobulafu bwobulamu.

—Yohana 1:4; 8:12

Ibibilia ireranga obulamu bwe ebiamo

Nebutswa amalako kOMWAMI niko akamwikhoyesia; akanilanga khukemalakoke eshiteere nende eshilo. Afwana shinga omusaala okwaraakwa hamichela chiamatsi, okwamanga ebiamo biakwo munduukho tsiabio; amasaafu kakwo shikaniala ta; ne elia akhola liosi likaasanga.

—Tsitsabuli 1:2, 3

AMAANDIKO KABOLANGA KHU YESU KRISTO

Murunilisinjia mumahandiiko, shichila mukaalanga mbu muli nobulamu bwobumeli muko; mbula niko akarumbulilanga akobuloli. Okhuba nimuba nimwakhasuubiile Musa, mwakhasuubiile isie; shichi-

Yesu ahana obulamu 29 bwefiamo

Menyenje mwisie, ninasie mwi-nywe. Shinga lisaka olwa liranyala okhwama ebiamo khubwalio. Isie nisie omutsabibu, neenyu muli amaska. Oumenya mwisie, ninasi muye, omwenoyo yaamanga ebiamo ebinji; okhuba harali isie shimunyala okhukhola eshindu shiosi tawe.

—Yohana 15:4a, 5

la yahandiika khukanje.

—Yohana 5:39, 46

Mana nachaachila khuMusa nende khubanabii bosi, nabarimbululila muahandiiko kosi amakuwa akachooma khuye omwene. —Luka 24:27

LIKHUWA LIOBUMELI LIA NYASAYE SHILIKALUKHANANGA TAWE

E OMWAMI, likhuwalio neliobumeli; liraliile mwikulu.

—Tsitsabuli 119:89

Omukuuli kwamakhuwako nikwo obwatoto; kata buli bukhalachibwo bwosi nobwobumeli.

—Tsitsabuli 119:160

Obunyasi bufululukha, eshimuli shiniala; habula likhuwa liaNyasaye weefwe lilibeetsangaho inziayo.

—Isaya 40:8

Mbu okhuula olwa likulu nende eshibala biliba nibihweele, kata inyukuta ndala kata akharoonyelesi khalala shikhalihwaho mumalako ta,

okhuula olwa kosi kaliba nikoosibwa. —Matsayo 5:18b

Ne amahandiiko shikanyala okhutendeyibwa ta. —Yohana 10:35b

Omundu shialatema okhukalukhasia indakano tawe

Orameeta likhuwa khumakhuwake tawe; yakhakhuloshela, mana nonyoolekha noli omubeeyi.

—Tsinjelo 30:6

Kata omundu yesi naba nayiniahwo likhuwa liosi khumakhuwa keshitabu shiobulakusi buno, Nyasaye alayinia omukabo kukwe okwokhumusaala kwobulamu.

—Obufwimbili 22:19a

OKHUFWA KHWA YESU KHWATUSIA TSIYEMI TSIA NYASAYE

31

Kano niko akachila Papa yaheelanga, mbu ehaana obulamu bwanje, mbu mana embubukule khandi. Abulaho oumbuyiniakhwo, nebutswa omwene embuhaana. Endi nobunyali okhubuhaana, nendi nobunyali okhububukula khandi.

—Yohana 10:17, 18a

Yesu namukalusia ari Shiwakhakhwo nobunyali bwosi khwisie, norakhabuheeewa okhurula mwikulu tawe.

—Yohana 19:11a

Kata okaala mbu shinyala okhusaaya Papa, naye kata bulaano buno alarumila abamalaika abashila amahé ekhumi nakabili? Nebutswa ama-

handiiko kakhoosibwa karie, mbu nolwa kakhoyile okhwikhola?

—Matsayo 26:53, 54

Ne amakuwa aka Nyasaye yalolosia khale muminwa chiabanabii bosi mbu Kristowe akhoyile okhusaallila, akoosiye ario. —Ebikhole 3:18

Ne khane OMWAMI yalola obulayi okhumutubula, ... olwa aleekhola omwene omurungo kwobuyiiri, alalla olwibulolwe. —Isaya 53:10a

Shikali nikamukhoyeele Kristo watsana okhwifwila amakuwa ako kosi, nende okhwinjila muluyali-lwe?

—Luka 24:26

32 ABALOLI BARUMBULA

Nahalala ninaye nibabamba abanuu-li babili; mulala khumukhonokwe musaatsa, noundi khumukhono mu-khasi. Kho amahandiiko nikoola, akaboola mbu Yabasibwa halala ne-nde abakhayi. —Mariko 15:27, 28

Kho abasikari nibeetsa, nibafunaka ebilenje biowambeli oyo, nende ebi-oundi oyo owa yabambwa ninaye; ne olwa boola khuYesu, nibalola shi-nга olwa amalile okhufwa, shiba-mufunaka ebilenje ta; nebutswa mulala khubasikari abo yamufumira mumbafu nende lifumo; ne habwene nahabwene amabanga nende amatsi nikarulamwo.... Okhuba amakuwa kano keekhola mbu lihandiiko liusi-

OKHUFWA KHWA YESU

bwe, mbu Likumbalie liosi shilili-funakwakhwo ta. Khandi lihandiiko lindi liboola liri Balimuhenga oyo owa bafumira. —Yohana 19:32-37

Ne okhurula khusaa yakhasasaba eshialo shiosi shieekhola eshiilima okhuula khusaa yashienda. Yesu na-yiiba khandi nomwoyo omukhongo, nalekhuula omwoyokwe.... Eshialo nashio nishirenga; tsinyanda nitsiati-ka. Naye omuseesia nende aba yali ninabo nibamuhenganga Yesu, olwa balola okhurenga khweshialo nende amakuwa akaholekha, baria mu-no, nibaboola mbu Toto mwene, uno abeele Omwana waNyasaye.

—Matsayo 27:45, 50, 51, 54

Ne Nyasaye yamulamusia, olwa yali natendeyiye obululu bwokhufwa; shichila shikanyalikha mbu atiilwe ninakhwo ta. Yesu oyo, Nyasaye yamulamusia, nineefwe fwesi khuli abaloli khubwo.

—Ebikhole 2:24, 32

Kho shinga abaana olwa basanjilana khumabanga neinyama yomibili, ye yesi yasanjilana ario khubiasana; mbu mana munjila yokhufwa atibie oyo owali nali nende obunyali bwokhufwa, niye Setani; khandi mbu ababoholole abo bosi abalinji mumbohe tsindaalo tsiabwe tsiosi khulwa okhuria okhufwa.

—Abaheburania 2:14, 15

Iwe okhufwa, okhuhulakhwo khuli heena? Iwe okhufwa, olubalalwo luli heena? Ne khumuupile Nyasaye orio, oukhunyalilanga okhuhula khulwa Omwami weefwe Yesu Kristo. —1 Abakorinzo 15:55, 57

Noubeetsangaho mwoyo; ndali omufu, ne lola, endi mwoyo ebisoni nebisoni, nendi nende ebibohololo bioluumbe nende biemakombe.

—Obufwimbili 1:18

Obunyali bwaNyasaye shinga olwa buli. Ne bualaano bimanyishiile mu-khulolekha khwOmuhonnia weefwe Kristo Yesu, owatibia okhufwa nabisula obulamu nende oburabola ta khulwa injiili. —2 Timotseo 1:8b, 10

Lola, esinjiile khumuliango nikhong'onda; omundu yesi naba nahulila omwoyo kwanje, niyeekula omuliaango, ndaleenjilamwo, nindia ninaye ebilibwa, naye ninasi.

—Obufwimbili 3:20

Nabasunjila mbu Bukule Roho Omukatifu. Sabe, ne mulanyoola, mbu okhwikhoya khweenywe khwitsule. —Yohana 20:22b; 16:24b

Ouheelanga samwana kata nyina okhuyomba shinga olwa yaheela isie, shiyangwanila tawe. Mana Yesu naboleela abeechibe ari Omundu yesi naba niyeenya okhuba omulondi wanje, yeekaanie omwene, yee-tuushe omusalabakwe, yanondenje-

khwo. Okhuba owenya okuhonia obulamubwe, alabukosia; ne oubukosia obulamubwe khulwanje alabu-nyoola. —Matsayo 10:37a; 16:24, 25

Okhuba noba norumbula ebulafu nende omunwakwo shinga Yesu olwa ali ye Omwami, nende okhusuubila mumwoyokwo shinga Nyasaye olwa yamulamusia mukhufwa, olahonibwa. —Abaroma 10:9

Ne nimuba nimuli baKristo, kho muli olwibulo IwaAburahamu, kha-ndi abobulaame. —Abagalatia 3:29a

Nabo nibakalusia mbu Suubilila Omwami Yesu, kho olahonibwa, iwe omwene nende abeinzyo bosi.

—Ebikhole 16:31

Mbu Nyasaye yakuheellesia obulamu bwobumeli; nabwo obulamu obwo buli muMwanawe. Ouli nende Omwana ali nende obulamu tsana; ne ourali nOmwana oyo ta, shialikhwo nende obulamu tsana tawe.

—1 Yohana 5:11b, 12

Shichila lilako liaRoho wobulamu obuli muKristo Yesu liayamboholoole okhurula mwilako liobwonooni nende eliokhufwa. —Abaroma 8:2

Ndabambwa khumusalaba halala nende Kristo; ne endi mwoyo; khaneshishili isie ta, habula Kristo oubeetsanga mwoyo mwisie; nobulamu obwo obwa endi ninabwo mumbili, endi ninabwo mubusuubili

obuli muMwana waNyasaye, owa'-heela niyeehaana omwene khulwanje. —Abagalatia 2:20

Okhuba omundu yesi naba nali muKristo, aba omulonje omuyia; amakhuwa kakhale kaba nikamalile okhubira; lole, kosi keekaluule amayia. —2 Abakorinzo 5:17

Mweebulwa obwibulwi obuyia; ne shikhuli khumwo eyibola, habula khuyeneyo eyirabola ta, khulwa likhuwa liaNyasaye, eliba mwoyo niliyindila. —1 Petero 1:23

Mufwane shinga abaana abakheebulwa, mwenyenje amabeele ameelleleshe akeshiroho, mbu kamukhusie okhuula khubuhonia. —1 Petero 2:2

36 NYASAYE NI SAMWANA WA BANDU BEBE

Nyasaye, mushimenyoshie eshitakifu, niye samwana ababisandu, oukabukhasilia abakhasi abalekhwa amakuwa. —Tsitsabuli 68:5

Nebutswa, e OMWAMI, niwe seefwe; ifwe khuli litoyi, nawe niwe omulonji weefwe; neefu fwesi khuli emilimo chiomukhonokwo. Iwe e OMWAMI, niwe seefwe; Omununu li weefwe okhurula khubumeli nilio eliirario. —Isaya 64:8; 63:16b

Ne habundu yaho aha baboolelwa mbu Shimuli abandu banje ta, balmala basunjilwe mbu Ninywe abaana baNyasaye oubietsangaho mwoyo. —Hosea 1:10b

Kho inywe abali ababii olwa manyile okhubaheelesia abaana bee nywe ebihaanwa ebilayi, Seenywe ouli mwikulu shialashila muno okhubaheelesia ebindu ebilayi abo abamusaba? Khulwako, musaayenje muri nanwa, mbu E Seefwe, ouli mwikulu, Eliirario liriibwe.

—Matsayo 7:11; 6:9

Nasi ndalamwinjisia, ne ndalaba khwinywe Seenywe, neenyu mulaba khwisie abaana banje abasiani nende abakhaana.

—2 Abakorinzo 6:17b, 18

Okhuba bos iabeemililwa nende Roho waNyasaye, abo nibo abaana baNyasaye. —Abaroma 8:14

MU YESU KHUMANYA NYASAYE SHINGA PAPA 37

Yesu namubookeela mbu Isie nisie injila, khandi obwatoto, khandi obulamu. Abulaho owitsila Papa narabirila khwisie ta. Nimwakha'manyile, khane mwakhamumanyile nende Papa yesi; nokhurula olwa leelo mumumanyile, khandi mumuluutsi. Yesu nakalusia namusunjila mbu Omundu naba niyambeela isie, alahulilanga amakuwa kanje; Papa naye alamuheela, ne khulamwitsila, nikhu-khola eshimenyo shieefwe ninaye.

—Yohana 14:6, 7, 23b

Nyasaye yaruma Omwanawe... ifwe khunyoole okhukholwa abaana. Khandi olwa muli abaanabe, Nyasaye yaruma Roho wOmwanaewe mumi-

oyo chieefwe, nalanjisia ari Aba, Papa. Okhuba mwesi muli abaana ba-Nyasaye, khulwa obusuubili, muKri-sto Yesu.

—Abagalatia 4:4b, 5b, 6; 3:26

Ne bosi abamwinjisia, yabaheele-sia obunyali okhwikhola abaana ba-Nyasaye, mbu abo abasuubilila elii-ralie.

—Yohana 1:12

Ne omundu yesi naba niyoonoona, khuli nende Omuhabini ewaSeefwe, niye Yesu Kristo omulunjishi.

—1 Yohana 2:1b

Okhuba khululwe nikhwo okhwa fwesi khunyala okhwinjisibwa ewa-Seefwe muRoho mulala.

—Abaefeso 2:18

YESU ARERANGA OBUHELI, OBUSANGALI NENDE OMULEMBE

Nyasaye niye obuheeli; ne oumenyanga mubuheeli amenyanga mu-Nyasaye, naye Nyasaye amenyanga muye.

—1 Yohana 4:16b

Ne mbu mukholenje akeshisa, buli mundu nowashie, nimutiililanwa tsimbabasi, nokhuleshelana, shinga Nyasaye yesi olwa yamuleshela inywe muKristo.

—Abaefeso 4:32

Khwikuwa lino abandu bosi balamanyilakhwo shinga olwa muli abeechi banje, nimuba nimuli nobuheeli abeene khubeene.

—Yohana 13:35

Ne ebiamo biaRoho mbiebino; mbu obuheeli, obusangaafu, omulembe.

—Abagalatia 5:22a

Umanyinjia injila yobulamu; imbeliwo buliho obusangaafu obulamba; mumukhonokwo musaatsa mulimwo amalayi akobumeli.

—Tsitsabuli 16:11

Khulwako, olwa khubasilibwa obulunjishi khurio khulwa obusuubili, khuli nomulembe khuNyasaye khulwa Omwami weefwe Yesu Kristo.

—Abaroma 5:1

Omulembe emuleshela; omulembe kwanje emuheelesia; ne shimuheelesia shinga shialo olwa shihaanangatawe. Emiyo chieenyewe chieshe okhubeeyabeeya kata okhuria.

—Yohana 14:27

Ne Roho wa oyo owalamusia Yesu mukhufwa naba namenya mwinywe, ye owamulamusia Kristo Yesu mukhufwa alaheelesia emibili chieenywe chioburulanda chiosi obulamu khulwa Rohowe oumenyanga mwinywe.

—Abaroma 8:11

Ne Nyasaye yamulamusia Omwami mukhufwa, khandi alikhulamusia ifwe ario khulwa obunyalibwe.

—1 Abakorinzo 6:14

Okhuba kano niko aka Papa yeenya, mbu buli mundu oumulola Omwana namusuubilila, abe nobulamu bwobumeli; nasi ndilimulamusia khunyanga yobumaliilishi.

—Yohana 6:40

Okhuba shinga okhufwa olwa khweetsa khulwa omundu, obulamu-shi bwabafu nabwo bweetsa khulwa omundu burio. Okhuba shinga bosi olwa bafwila muAdamu, nolwa bosi balalamusibwa muKristo bario. Ne buli mundu mutsisinjitsie; mbu Kristo ouli omurongole; mana khu-khwitsakwe, abo abali baKristo.

—1 Abakorinzo 15:21-23

Ne okhuba endi mwoyo, neenyu mwesi mulaba mewoyo.

—Yohana 14:19b

Ne nikhuba nikhwafwa halala nende Kristo, khusuubila mbu khulabaho abalamu ninaye khurio.

—Abaroma 6:8

40 OLALEKA OBUHONIA OBUKHONGO BUNO TAWE

Omundu oufwolile amalako kaMusa yeerungwa narabeelwa tsimbabasi ta, khulwa oburumbusi bwabaloli bibili bataru; ne mulola murie? Shikhoyle okhukuumwa okhushila mu-no, oyo owaseenela Omwana wa-Nyasaye hasi wamakuluke, nakulikha amabanga keindakano akachila omwene niyahulwa mbu nomusilo, manyeka Roho wobukoosia?

—Abaheburania 10:28, 29

Oufukula isie, nrafuchiilila amasungo kanje ta, ali nende oumuyaasia.
—Yohana 12:48a

Niko akachilile nimusunjiile mbu mulafwila mubionoono bieenywe; shichila nimurasuubila mbu ISIE NI-

SIE ta, mulafwila mubionoono bieenywe.

—Yohana 8:24

Nasi emusunjila inywe abeetsa banje, mbu murabariitsanga abeera omibili ne olunyuma nibarali nende elindi elia banyala okhukhola ta. Ne ndalamuchesiyia khuwa mukhoyile okhuriitsanga, mbu niye wina; mumuriitsenje omwenoyo ouli nende obunyali okhumusukuna muGehe-na olwa aba namalile okhumwira; toto, emusunjila mbu mumuriitsenje omwenoyo.

—Luka 12:4, 5

Ne ouramuhulila Omwana ta shialalolakhwo obulamu tawe, ne oburima bwaNyasaye buba khuye.

—Yohana 3:36b

Shichila amalile okhuraho induukho olwa alayaasia eshialo eshiina shiobulunjishi, khulwa omundu oyo owa yaahula. —Ebikhole 17:31a

Okhuba kata Samwana shiayaasinja omundu yesi eshiina ta, ne amuheele Omwana obuyaasii bwosi; mbu mana bosi baheelesie Omwana oluyali, shinga olwa bamuheellesinja Samwana oluyali. Ouraheelesinja Omwana oluyali ta, shiamuheellesinja Samwana owamuruma oluyali tawe. —Yohana 5:22, 23

Okhuba fwesi khukhoyile okhumanyikha imbeli weshifumbi-shiobuyaasii shiaKristo; mbu buli mundu akalusilibwe aka aka yakhola nali

mumubili, aka yakhola shinga olwa kali, kata amalayi kata amabii.

—2 Abakorinzo 5:10

Kaliba kario khunyanga eyo olwa Nyasaye aliyaasia tsiyemi tsibandu tsiamabiswi, injiili yanje shinga olwa yiboola, muYesu Kristo.

—Abaroma 2:16a

Khukhufwimbula khwOmwami Yesu okhurula mwikulu halala nabamalaika bobunyalibwe mumemu tsimulilo; olwa abakhalachila eshiina abeenabo abakhaya okhumumanya Nyasaye ta, kata abakhaya okhuhulla injiili yOmwami weefwe Yesu.

—2 Abatsesalonika 1:7b, 8

42 SHIBALI BOSI ABABOLANGA OKHUMULONDA YESU ABALI MU YESU TAWE

Baboolanga mbu bamumanya Nyasaye; ne mubikhole biabwe bamwiyambakananga. —Tito 1:16a

Ne omundu yesi urnalikhwo nende Roho waKristo ta, oyo shialikhwo owuwe tawe. —Abaroma 8:9b

Nibeekhala imbeliwo shinga olwa bali abandu banje, nibahulila amakhuwako, ne shibakakhola ta....

—Ezekieli 33:31b

Abandu bano bambeelesinja olu yali neminwa, ne emioyo chiabwe chili ehale ninasi. —Matsayo 15:8

Shibali bosi aba'sunjilanga bari Omwami, Omwami, abaliinjila mu bwami obwomwikulu ta; habula oyo

oukholanga aka Papa ouli mwikulu yeenya. Khunduukho eyo abanji baireeba, bari Omwami, Omwami, shikhwalakula muliirario, nikhurusia amadimoni muliirario, nikhukhola emilimo eminji emikhongo muliirario? Habwenaho ndilibabooleta habulafu, mbu Shindamumanyakhwotawe; mu'rulekhwo, inywe abakholanga obumayaanu.

—Matsayo 7:21-23

Nineenywe mwesi murio, elwanyi muloleshelanga abandu mbu muli abalunjishi, ne mukari mubeetsanga nimwitsuulemwo obukaatii nende obumayaanu. —Matsayo 23:28

Ne lino nilio elichila nikhumanya shinga olwa khumumanyile ye; mbu nikhuba nikuhulilanga amalakoke.

—1 Yohana 2:3

Ndalara roho wanje mukari mwinywe, nimuchesia mumalako kanje; mulalindanga akobukhalachi bwanje nimukakhola. —Ezekieli 36:27

Mana namalile okhukholwa omulamba ario, yabakwila bosi abamuhulilanga eshinoko shiobuhonia bwobumeli. —Abaheburania 5:9

Khandi mbu Buli mundu yesi ourumbula eliira liOmwami yeehaanye arule khubumayaanu.

—2 Timotseo 2:19b

Ne olwa mwalekhuulwa mubusumba bwobwonooni, mwakwa abasumba bobulunjishi. —Abaroma 6:18

Okhuba khuli emilimochie, abalnjelwa muKristo Yesu khulwa ebi-khole ebilayi ebia Nyasaye yakhwi-kholeelela ninabio mbu khuchende-njemwo. —Abaefeso 2:10

Okhuba nimuba nimulonda ebiima biomubili, okhuula mufwe; ne nimuba nimwira ebikhole biomubili khulwa roho, mulaba nobulamu.

—Abaroma 8:13

Nabo Petero nende abarume nibakalusia nibasunga bari Khukhoyle okhuhulila akaNyasaye okhushila akabandu. —Ebikhole 5:29

44 ESHIALO SHIKIYANGA ABOLONDI BA YESU

Khandi shinga olwa khukhoyile
okhwinjila mubwami bwaNyasaye
nikhubirila mumasila amanji.

—Ebikhole 14:22b

Eshialo nishiba nishimukiya, mu-
manyile mbu siesi shiangiya khale,
nishishili okhumukiya inywe. Ni-
mwakhabeele abeshialo, khane eshi-
alo shiakhaheelile abali abashio; ne
shichila shimuli abeshialo ta, habula
ndamulobola mushialo, niko akachi-
la eshialo nishimukiya.

—Yohana 15:18, 19

Toto, eshise shili okhwitsa olwa
omundu yesi oumwira inywe alaka-
la mbu amukhalabanila Nyasaye. Na-
makhuwa ako balakhola shichila

shibamumanya Papa kata isie ta.

—Yohana 16:2b, 3

Ne niko akachila eshialo nishira-
khumanya ta, okhuba shishiamuma-
nya ye ta. —1 Yohana 3:1b

Kata toto, bosi abeenyanga okhu-
chenda muKristo Yesu nibariitsanga
Nyasaye balasandibwa.

—2 Timotseo 3:12

Mushialo muli nende amasila; ne
leme emiyo; isie emalile okhuhula
eshialo. —Yohana 16:33b

Ndabaheelesiye likhuwalio; ne eshi-
alo shiabakiya, shichila shibali abe-
shialo ta, shinga isie olwa ndarali
oweshialo ta. —Yohana 17:14

Nimufuuba obuhendi bweenywe bwosi khuye, shichila ye areetsangakhwo omwoyo khumakuwa keenywe.

—1 Petero 5:7

Oraria tawe, okhuba endi ninawe halala; orafwa omwoyo ta, okhuba isie nisie Nyasayewo; ekuheelesia amaani; toto mwene, ekuhukhoonya; toto, ekhuleeta nomukhono kwanje musaatsa okuhulanga. —Isaya 41:10

Okhuba papa nende mama bandeka; nebutswa OMWAMI alandoola.

—Tsitsabuli 27:10

Khulwako khunyala okhuuma ikholo, nikhusunga mbu Omwami niye omuhabini wanje, shindalariitsanga ta; nishiina eshia omundu namundu

alanyala okhu'kholela?

—Abaheburania 13:6

Shichila alalachilisia abamalaikabe khukoko, okhukhulinda munjilatsioti.

—Tsitsabuli 91:11

Ne kata nimba nimbira mwibanda lieshiinikha shioluumbe shindalaria libii liosi ta; shichila endi ninawe halala; indabushiyo nende omutiichi-lokwo bineminjia omwoyo.

—Tsitsabuli 23:4

Enyala amakuwa kosi mu oyo oungufuhasinjia. Ne Nyasaye wanje alamuyinilinja buli eshia mutamba shiosi, obuyindabwe bwoluyali shinga olwa buli muKristo Yesu.

—Abafilipi 4:13, 19

Mushili okhuteemwa nende likhuwa liosi ta, habula aka omundu anyala. Nyasaye nomwisiikwa, ne shialafuchiilila mbu muteemwe okhushila ako aka mulanyala tawe; habula halala nende okhuteemwa khwene, alamukasilia injila eyokhwihonokoshe-lakhwo, mbu mana munyale okhifwila.

—1 Abakorinzo 10:13

Ne khulwako khuume ikholo okhustilanga ahambi khushifumbi-shioburuchi shiobukoosia, mbu khubee-lwe tsimbabasi, nikunyoola obukoosia obukhuhabina nikhuli mubutambi.

—Abaheburania 4:16

Ne nikhuba nikuchenda mubulafu, shinga ye olwa ali mubulafu, kho

khuba nikhusanjilananga abeene nabeene, amabanga ka Yesu Omwanawewe nako kakhusiiyangka khubwonooni bwosi.

—1 Yohane 1:7

Nineenyewe mwesi murio mwibasie abeene shinga olwa muli abafu khubwonooni, habula abalamu khuNyasaye muKristo Yesu.

—Abaroma 6:11

Mumuhulilenje Nyasaye; ne mumufukule Setani, naye alamwilukha.

—Yakobo 4:7

Embiishile likhuwalio mumwoyo kwanje mbu endeshe okhukhwoonela.

—Tsitsabuli 119:11

Shichila ouli mwinyewe ashila oyo ouli mushialo.

—1 Yohana 4:4b

AMASAYO KA HABWENE NO KHUSANJILANA NENDE NYASAYE

47

Olwa wasunga mbu Mukhaabe munoni mwanje, omwoyo kwanje nikuboola mbu E OMWAMI, ekhaabanga mumonimwo. Mumwisiichenje tsindaalo tsiosi, inywe abandu; sundulenje akomumioyo chieenywe imbeliwe; Nyasaye niye obwilushilo bweefwe.

—Tsitsabuli 27:8; 62:8

Usilishe, OMWAMI, kho ndalaba omulamu; umbonie, kho ndalahona; okhuba niwe owa nditsoominjia.

—Yeremia 17:14

Nimuba nimumenya mwisie, amakuwa kanje nako nikamenya mwinywe, musabe liosi elia mwenya, naliyo lilamukholelwa. —Yohana 15:7

Murakonelanga okhusaaya ta. Mumakuwa kosi, mukhupenje orio, shichila nilio elia Nyasaye amwenyela muKristo Yesu.

—1 Abatsesalonika 5:17, 18

Khane omwoyo kwanje nikuba nikwakhachoomile khubumayaanu, khane OMWAMI shiyakhahuliile ta. E OMWAMI, khulwa eliirario undeshele obumayaanu bwanje, shichila nobunji.

—Tsitsabuli 66:18; 25:11

Ne mukosi mumumanyie Nyasaye aka mwenya munjila yokhusaba nokhusaaya, halala nokhuupanga orio.

—Abafilipi 4:6b

Okhuba Omwami omwene aleekha okhurula mwikulu halala nomulanjisio nomwoyo kwamalaika omukhulundu, nende olwika lwaNyasaye; nabo abafwila muKristo balaranjilila okhulamukha; mana ifwe ababa nikushiliho mwoyo khulakaamwa ninabo halala mumaleesi, okhwakaana nOmwami mulwanga; mana khurio khulabeetsanga nOmwami tsindaalo tsiosi. —1 Abatsesalonika 4:16, 17

Mbu olwa alaba nabisuulwe khube neitswoni, nikhurafwimbwa omurwe imbeliwe khukhwitsakhwe ta.

—1 Yohana 2:28b

Nilwo olwa Omwami Ounyala-bisi aboola. Kho abaheelwa banje,

olwa khusuubisibwa amakuwa ako, khwisiyiye abeene mushifwabwi shiosi shiomubili nende eshiaroho, nikhuusilia elala obutakatifu mukhuria Nyasaye. —2 Abakorinzo 7:1

Neenyu mwesi mwisimilisie murio; mwitinyie emiyo chieenywe; shichila okhwitsa khwOmwami khuli ahambi. Murabuuluulilananga abeene khubeene ta, baana beefwe, mbu muleshe okhuyaasibwa; lole, omuyaasii mwene usinjiile amuliango. —Yakobo 5:8, 9

Nineenywe mwesi murio, mwirecheshe; shichila khusaa eya muraapaarakhwo ta, Omwana wOmundu yeetsa okhwitsa. —Luka 12:40

WITSUSIBWE NENDE ROHO WA NYASAYE

Rechelesie okhulokha khwanje; lole, ndalamusundulila omwoyo kwanje, ndalamumanyia amakuwa kanje.

—Tsinjelo 1:23

Mwikalukhasie nimubatisibwa, buli mulala, muliira lia Yesu Kristo, mbu munyoole obuleshelwi bwebionono bieenywe; mana mulanyoola eshihaanwa shia Roho Omukatifu.

—Ebikhole 2:38b

Murameelanga amalwa, okhulimwo obwitaakuli, tawe; ne mwitsulenjemwo Roho. Mukhupilenje Nyasaye Seefwe orio tsindaalo tsiosi khulwa amakuwa kosi muliira li Omwami weefwe Yesu Kristo. Muhulilisaninjie

nimuriitsanga Kristo.

—Abaefeso 5:18, 20, 21

Shichila Nyasaye niye oukholelangu mwinywe, akokhwenya nende akokhukhola khwosi, mutsiyemitsie tsindayi.

—Abafilipi 2:13

Shimumanyile mbu muli ihekaluya Nyasaye, khandi mbu Roho wa Nyasaye amenyanga mwinywe? Okhuba mwakulwa obukusii; kho mu muheelesie Nyasaye oluyali mumibili kweenywe.

—1 Abakorinzo 3:16; 6:20

Nabo bosí nibeetsulamwo Roho Omukatifu, nibarumbula likhuwa lia Nyasaye nende itswoni.

—Ebikhole 4:31b

The Bible text from the Bible in Luyia, © 1975 United Bible Societies. Used by permission.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org

Shino shirakusibwa tawe

www.wmpress.org

10-19

1573 Luyia HKG